

Pappiaqqanik nalilinnik naqissusiinermi akitsuut pillugu Inatsisartut inatsisaata allanngortinneqarneranik Inatsisartut inatsisaat (Naqissusiinermut akitsuuserneqannginnissaq)

§ 1

Pappiaqqanik nalilinnik naqissusiinermi akitsuut pillugu Inatsisartut inatsisaanni nr. 8-mi, 31. oktober 1987-imeersumi, ilaatigut Inatsisartut iatsisaatigut nr. 14-ikkut, 30. oktober 1992-imeersukkut kingullermillu Inatsisartut inatsisaatigut nr. 2-kkut, 20. maj 1998-imeersukkut allanngortinneqartumi, makku allanngortinneqarput:

1. § 9 imatut oqaasertalerneqarpoq:

"§ 9. Akitsuuteqartinneqassanngitsut tassaapput:

1) qularnaveeqqusiinermut uppersaasatit aamma ajunaaruteqartitsinnginnissamut allagartat, Kalaallit Nunaanni inissialiornermi ikiorsiissutit pillugit Inatsisartut peqqussutaanni kapitali IV imaluunniit kapitali V, imaluunniit inissialiornermut, illuutigisanut ataatsimoorussanut, katitiinnarissanik nammeneq illulianut il.il. ikiorsiissutit pillugit Inatsisartut peqqusstaat, naapertorlugu Naalakkersuisunut sananeqarsimasut.

2) pigisamik aalaakkaasumik, Kalaallit Nunaanni inissialiornermi ikiorsiissutit pillugit Inatsisartut peqqussutaanni kapitali IV imaluunniit kapitali V, imaluunniit inissialiornermut, illuutigisanut ataatsimoorussanut, katitiinnarissanik nammeneq illulianut il.il. Inatsisartut peqqussutaat, naapertorlugu Naalakkersuisunut akiitsoqaataasumik, tunisaqarnermi uppersaasatit,

3) Qularnaveeqqusiinermut uppersaasatit aamma ajunaaruteqartitsinnginnissamut allagartat, inuutissarsiutinut tapersiinermut Inatsisartut peqqussutaat naapertorlugu inuutissarsiutinut tapersiinermut ataatsimiititaliamut sananeqarsimasut,

4) qularnaveeqqusiinermut uppersaasatit aammalu pigisanut qularnaveeqqussiissutinik qularnaveeqqusiinermut allagartat, nammeneq pigisanut qularnaveeqqusiissutit, inuussutissarsiiornermut tapersiissutit pillugit Inatsisartut peqqussutaat naapertorlugu inuussutissarsiiornermut tapersiissutinut ataatsimiititaliamut pisussaaffinnut qularnaveeqqutitut taamaallaat atorineqarpata,

5) inuutissarsiiornermut tapersiisarneq pillugu Inatsisartut peqqussutaat naapertorlugu pigisat aalaakkaasut, umiarsuit imaluunniit pialuutit inuutissarsiiornermut tapersiisarneq ataatsimiititaliamut tunineranni uppersaasatit.

6) qularnaveeqqusiinermut akiitsunullu uppersaasatit takornarianut unnuisarfissanik pilersitsinernut aningaasalersuinikkut tapersiissutinut (Unnuisa) aningaasaateqarfimmut, takornariartitsinermik

inuussutissarsiuteqarnermut aningaasalersuinikkut taapersiissutit (TAT) pillugit Inatsisartut inatsisaanni kap. 2 naapertorlugu, sananeqartut,

7) qularnaveeqqusiinermut akiitsunullu uppersarsaatit takornariartitsinermik

inuussutissarsiuteqarnermik pilersitsinernut (TAT) aningaasalersuinikkut tapersiissutinut ataatsimiititaliamut, takornariartitsinermik inuussutissarsiuteqarnermut aningaasalersuinikkut taapersiissutit pillugit Inatsisartut inatsisaanni kap. 3 naapertorlugu, sananeqartut,

8) qularnaveeqqusiinermut ajunaaruteqartitsinnginnissamullu uppersarsaatit, aalisarnermik piniarnermillu inuussutissarsiutillit inuussutissarsiuteqarnerannik siuarsaaneq pillugu Inatsisartut peqqussutaat naapertorlugu Naalakkersuisunut sananeqartut,

9) nammineq pigisamik qularnaveeqqusiussinermut uppersarsaatit kiisalu nammineq pigisanik qularnaveeqqusiussinermut uppersarsaammik qularnaveeqqusiussinermut allagartat, nammineq pigisanik qularnaveeqqusiussineq, aalisarnermik piniarnermillu siuarsaaneq pillugu Inatsisartut peqqussutaat naapertorlugu, Naalakkersuisunut pisussaaffigisanut qularnaveeqqutitut taamaallaat atorineqarpat.

10) qularnaveeqqusiinermut ajunaaruteqartitsinnginnissamulluunniit uppersarsaatit, Nunat Avannarliit Kitaani Avannaani ineriartornermut Aningaasaateqarfianut sananeqarsimasut, kiisalu nammineq pigisamik qularnaveeqqusiussinermut allagartamik qularnaveeqqusiussinerit, uppersarsaatit Nunat Avannarliit Kitaani Avannaani ineriartornermut aningaasaateqarfimmut pisussaaffinnut taamaallaat qularnaveeqqusiissutaappata

11) pigisanik aalaakkaasunik, Nunat Avannarliit Kitaani Avannaani ineriartornermut aningaasaateqarfimmut akiitsoqaataasunik, tunisinermut uppersarsaatit, tunisineq Nunat Avannarliit Kitaani Avannaani ineriartornermut aningaasaateqarfimmut tassanngaluunniit tunisineruppat.

12) Allagartat uppersarsaatit illuutitut tunisinernut tunngasut, aammalu Nunat Avannarlerni Kitaani Avannaani aningaasaateqarfianut akiitsullit, Nunat Avannarlerni Kitaani Avannaani saningaasaateqarfimmut tunniussisoqarpat.

Imm. 2. Uppersarsaatit imm. 1-imi, nr. 1, 3, 4, 8 aamma 9-mi taagorneqartut pigisassatut qularnaveeqqutitulluunniit Naalakkersuisuunngitsunut imaluunniit inuussutissarsiutinut tapersiissuteqarnermut ataatsimiititaliamuunngitsoq tunineqarpata, uppersarsaatit, imm. 1-imi malittarisassat apeqqutaatinngit § 5-imi malittarisassat malillugit naqissususigassaapput.

Imm. 3. Uppersarsaatit imm. 1-imi, nr. 6 aamma 7-imi taaneqartut takornarianut unnuisarfissanik pilersitsinernut aningaasalersuinikkut tapersiissutinut (Unnuisa) aningaasaateqarfimmuunngitsoq imaluunniit takornariartitsinermik inuussutissarsiuteqarnermut aningaasalersuinikkut taapersiissutinut (TAT) ataatsimiititaliamuunngitsoq qularnaveeqqutitut tunniunneqarpata, uppersarsaatit, imm. 1-imi malittarisassat apeqqutaatinngit § 5-imi malittarisassat malillugit naqissuserneqassapput.

Imm. 4. Uppersarsaatit imm. 1-imi nr. 10-mi taaneqartut Nunat Avannarliit Kitaani Avannaani ineriartornermut aningaasaateqarfimmuunngitsoq pigisassatut qularnaveeqqutitulluunniit tunniunneqarpata, imm. 1-imi malittarisassat apeqqutaatinngit § 5-imi malittarisassat malillugit naqissuserneqassapput."

2. § 11 a imatut oqaasertalerneqarpoq:

"Allagartat, aktiat anpartillu tunngavigalugit ingerlatseqatigiiffit akornanni kattunnernut taamaattulluunniit agguarneqarnerat pissutigalugu, pilersinneqartut naqissusiinermut akitsuuteqartitaassanngillat, akileraaruserivimmit kattunneq agguarneqarnerluunniit akileraarutaasussaannngitsutut akuerineqarsimappat."

§ 2

Inatsisartut inatsisaat atuutilerpoq ulloq 1. januar 2008.

Namminersornerullutik Oqartussat, ulloq 15. november 2007

Hans Enoksen

/

Aleqa Hammond

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut